

- c) epist. dedic. ad Velsor. d) Tom. V. Biblioth. Vindob. pag. 77.
 e) catal. biblioth. Cæs. part. i. p. 254. part. 4. p 153. part. 6. p. 113.
 f) chronol. iuri Graeco Romano præmissa. g) Tom. III. Sancto-
 rum Maji fol. XLI. h) Tom. 2. p. 462.

§. IX.

Scripta Abucaræ quantum attinet, tres ejus disputationes, primam de nomine Dei, alteram de Deo & Deitate, & tertiam contra Nestorianos ex latina interpretatione Francisci Turriani edidit Canisius, quem sub nomine Theodoro Raituensis illas disputationes edidisse doctissimus homonymoscopiae autor i) afferit. Verum non Theodoro monasterii Raituensis Presbytero, sed Theodoro Hagiopolitano illas disputationes a Canisio adscriptas deprehendimus. k) Nec defuerunt, quibus omnino disputationes illas Theodoro Hagiopolitano seu Antiocheno lattribuendas esse videretur. l) Ad easdem disputationes inter Theodori Abucaræ opuscula græce & latine a se edita Jacobus Gretserus retulit. Præter Turrianum, qui alia quoque Abucaræ opuscula in latinam linguam transtulit, bene de hoc Scriptore meruit Gilbertus Genebrardus, quippe qui quindecim Abucaræ disputationes contra Tritheitas, Theopaschitas, Jacobitas & alios hæreticos latine vertit & publica luce donavit, Parisiensi Patrum bibliothecæ m) a Margarino de la Bigne editæ insertas, in quibus quid indices expurgatorii desideraverint, in indice Antonii a Sotomajor n) nec non in indice Bernardi de Sandovall o) videri poterit. Sed longe plura Abucaræ opuscula nempe 42. græce & latine ex Turriani & sua versione cum Anaitassi Sinaïtæ hodego Ingolstadii Anno Christi 1606. Jacobus Gretserus publicavit. Quam editionem Fronto Ducæus in auctario bibliothecæ Patrum græco-latino Parisiis Anno Chr. 1624. p) iteravit. Nonnulla tamen ex istis Abucaræ opusculis latino tantum habitu comparent, cum græ-

B 2

cum